

Visoki predstavnik se sastao sa hrvatskim premijerom Sanaderom i predsjednikom Mesićem

Visoki predstavnik i specijalni predstavnik EU Christian Schwarz-Schilling danas se u Zagrebu sastao sa hrvatskim premijerom Ivom Sanaderom, a jučer sa hrvatskim predsjednikom Stjepanom Mesićem.

Visoki predstavnik i specijalni predstavnik EU je na ovim sastancima dao presjek situacije u BiH nakon izbora, fokusirajući se na proces konstituiranja vlasti i dva područja u kojima su pomaci mogući odmah: ustavnu reformu i policijsku reformu.

Visoki predstavnik i premijer Sanader su se složili da ustavna reforma mora biti inkluzivan proces u kojem će biti zastupljeni interesi i potrebe svih konstitutivnih naroda u BiH. "Ovaj proces mora potcrtati jednakost sva tri konstitutivna naroda. Ustavna reforma je prioritet za dugoročnu stabilnost i funkcionalnost BiH kao države i stabilnosti regiona u cjelini", rekao je visoki predstavnik/specijalni predstavnik EU.

Visoki predstavnik/specijalni predstavnik EU i premijer Sanader su se složili da je za ustavnu reformu potrebna snažna međunarodna podrška, ali i da će konačne odluke biti u rukama građana BiH i institucija BiH.

Jučer je visoki predstavnik/specijalni predstavnik EU pozdravio izjave koje je predsjednik Mesić nedavno dao u pogledu regionalne saradnje. "Slažem se sa predsjednikom Mesićem da, iako su sporazumi o specijalnim i paralelnim odnosima u skladu sa slovom Daytonskog mirovnog sporazuma,

ovaj region krenuo naprijed i da bi po njega bilo bolje da se usredsredi na nove, inkluzivne metode saradnje na državnom nivou”.

Na sastanku održanom danas sa ministricom vanjskih poslova Hrvatske Kolindom Grabar-Kitarović, visoki predstavnik/specijalni predstavnik EU je razgovarao o praktičnoj saradnji između Hrvatske i BiH u oblasti ekonomije, infrastrukture i povratka.

“Hrvatska je poduzela korake na podsticanju povratka, ali izbjeglice se još uvijek suočavaju sa mnogim preprekama”, rekao je visoki predstavnik/specijalni predstavnik EU. Christian Schwarz-Schilling je uputio riječi podrške hrvatskim vlastima u nastojanjima da nađu rješenja za povratak imovine, kako bi ovo pitanje konačno bilo riješeno.

Ministrica vanjskih poslova Grabar-Kitarović izrazila je uverenje da će BiH u decembru, kako je i planirano, moći pristupiti CEFTA-i (Sporazum o slobodnoj trgovini u Centralnoj Evropi), nakon čega bi mogao biti ostvaren napredak u bilateralnim trgovinskim razgovorima.